

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), Vlada Zeničko-dobojskog kantona, na prijedlog Ministarstva za boračka pitanja, na nastavku 107. sjednice, održanom 18.04.2013. godine, d o n o s i

ZAKLJUČAK

I.

Utvrđuje se Prijedlog Odluke o izmjenama i dopunama Odluke o proširenom obimu prava iz oblasti zdravstvene zaštite zašтите za branioce i članove njihovih porodica.

II.

Prijedlog Odluke iz tačke I. ovog zaključka upućuje se u dalju skupštinsku proceduru.

III.

Zaključak stupa na snagu danom donošenja.

Broj: 02-_____ /13.

Datum, 16.04.2013. godine

Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Stručna služba Skupštine,

1x Ministarstvo za boračka pitanja,

1x a/a.

Na osnovu člana 37. stav 1. tačka f) Ustava Zeničko-dobojskog kantona i člana 6. stav 2. Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 6/06, 9/07 i 18/12) Skupština Zeničko-dobojskog kantona na ____ sjednici održanoj ____04.2013.godine d o n o s i

ODLUKU
O IZMJENAMA I DOPUNAMA ODLUKE O PROŠIRENOM OBIMU PRAVA IZ OBLASTI
ZDRAVSTVENE ZAŠTITE ZA BRANIOCE I ČLANOVE NJIHOVIH PORODICA

Član 1.

(Izmjene i dopune člana 3. – Definicije)

U članu 3. Odluke o proširenom obimu prava iz oblasti zdravstvene zaštite za branioce i članove njihovih porodica ("Službene novine Zeničko-dobojskog kantona" broj 3/08, u daljnjem tekstu: Odluka), iza broja "56/05" veznik "i" zamjenjuje se zarezom, riječi: "70/07)," zamjenjuju se riječima: "70/07 i 9/10) i", iza broja "70/05" veznik "i" zamjenjuje se zarezom, iza broja "61/06" dodaju se riječi: "i 9/10", a nakon zgrade stavlja se tačka i ostatak teksta se briše.

Član 2.

(Izmjena člana 4. – Posebni korisnici)

Član 4. Odluke mijenja se i glasi:

"Član 4.

(Posebni korisnici)

(1) Prava po ovoj Odluci može koristiti i:

- a) dijete šehida, poginulog, umrlog, nestalog branioca, kojem je prestalo pravo na porodičnu invalidninu, do navršene 35. godine života;
- b) dijete poginulog, umrlog ili nestalog dobitnika ratnog priznanja ili odlikovanja, osim lica iz tačke a) ovog člana, kojem je prestalo pravo na mjesečni novčani dodatak i dijete umrlog ratnog vojnog invalida koje nije korisnik prava na porodičnu invalidninu, do navršene 30. godine života;
- c) dijete umrlog demobiliziranog branioca koji je u redovima Oružanih snaga proveo najmanje dvije godine i koje je sa istim živjelo u zajedničkom domaćinstvu ili ga je isti izdržavao najmanje posljednju godinu dana prije smrti, do navršene 30. godine života;
- d) udovica umrlog demobiliziranog branioca koji je u redovima Oružanih snaga proveo najmanje dvije godine, i koja je sa istim živjela u braku najmanje dvije posljednje godine dana prije smrti, pod uvjetom da nema druge prihode i da nije stupila u brak ili vanbračnu zajednicu;
- e) roditelji umrlog ratnog vojnog invalida ili demobiliziranog branioca koji je u redovima Oružanih snaga proveo najmanje dvije godine, ukoliko ih je isti izdržavao posljednjih godinu dana prije smrti.

(2) Pojmovi dijete ratnog vojnog invalida i dijete demobiliziranog branioca, upotrijebljeni su u skladu sa odredbama Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 6/06, 9/07 i 18/12).

Član 3.

(Novi članovi 4a. i 4b.)

Iza člana 4. Odluke dodaju se novi članovi 4a. i 4b. koji glase:

"Član 4a.

(Dokazivanje statusa)

U postupku ostvarivanja prava po ovoj Odluci, branioci i članovi njihovih porodica svoj status dokazuju rješenjem nadležnog organa o priznavanju svojstva ratnog vojnog invalida odnosno člana porodice šehida, poginulog, umrlog, nestalog branioca ili umrlog ratnog vojnog invalida; o priznavanju prava na mjesečni novčani dodatak za dobitnike ratnih priznanja i odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja; uvjerenjem nadležnog organa o periodu učešća u Oružanim snagama, te na osnovu smrtnog lista i uvjerenja o učešću u Oružanim snagama umrlog demobiliziranog branioca, izdatog u skladu sa Zakonom o upravnom postupku ("Službene novine FBiH" broj 2/98 i 48/99).

Član 4b.

(Obrasci zahtjeva za ostvarivanje prava)

Zahtjevi za ostvarivanje prava po ovoj Odluci podnose se na obrascima koje propisuje ministar Ministarstva za boračka pitanja (u daljnjem tekstu: Ministarstvo) u roku od 8 dana od dana stupanja na snagu ove Odluke."

Član 4.

(Izmjene i dopune člana 6. - Korisnici prava)

- (1) U članu 6. stav (1), broj "29/97" zamjenjuje se brojem "46/10", iza broja "30/97" veznik "i" zamjenjuje se zarezom, iza broja "7/02" dodaje se zarez i riječi: "70/08 i 48/11", a iza riječi "nezaposlenosti" dodaje se zarez i riječi: "po osnovu prava iz penzijsko-invalidskog osiguranja".
- (2) Stav (2) mijenja se i glasi: "(2) Sredstava za realizaciju prava iz stava (1) ovog člana osiguravaju se u Budžetu Zeničko-dobojskog kantona, na budžetskoj poziciji Ministarstva."
- (3) Dodaje se novi stav (3) koji glasi: "(3) Visinu stope doprinosa za zdravstveno osiguranje korisnika zdravstvene zaštite po ovoj Odluci, predlaže Ministarstvo."
- (4) U dosadašnjem stavu (3) koji postaje stav (4) riječi: "ne mogu ostvariti lica" zamjenjuju se riječima: "u trajanju do šest mjeseci mogu ostvariti i lica", iza broja "41/01" veznik "i" zamjenjuje se zarezom, a iza broja "22/05" dodaju riječi: "i 9/08".

Član 5.

(Izmjene i dopune člana 7. – Podnošenje zahtjeva)

- (1) Naziv člana 7. mijenja se i glasi: "Podnošenje zahtjeva i donošenje rješenja".
- (2) Stav (2) mijenja i glasi:

"(2) Uz zahtjev iz stava (1) ovog člana, koji mora biti obrazložen, zainteresovana lica prilažu:

 - a) dokaz o statusu branioca i člana njegove porodice,
 - b) dokaz o prebivalištu u trajanju od najmanje 24 mjeseca (osim povratnika u RS),
 - c) dokaz o nemogućnosti ostvarivanja prava podnosioca zahtjeva i članova njegove porodice po drugom osnovu (uvjerenje o nezaposlenosti sa navedenim razlozima zbog kojih lice nije osigurano po tom osnovu), uvjerenje Porezne uprave, uvjerenje PIO/MIO,
 - d) dokaz o posljednjem osnovu zdravstvenog osiguranja do dana podnošenja zahtjeva (kopija zdravstvene legitimacije)."
- (3) Dodaju se novi stavovi (3) do (6) koji glase:

"(3) Općinska služba kojoj je podnesen obrazloženi zahtjev sa potrebnom dokumentacijom za priznavanje prava na zdravstveno osiguranje po ovoj Odluci, dužna je u roku od sedam dana dostaviti Ministarstvu prijedlog o odbijanju ili priznavanju prava na zdravstveno osiguranje.

- (4) Na osnovu primljene obavijesti Ministarstva o saglasnosti ili odbijanju dostavljenog prijedloga, općinska služba donosi rješenje o priznavanju prava ili odbijanju zahtjeva za zdravstveno osiguranje.
- (5) Doneseno rješenje općinska služba dostavlja Ministarstvu i podnosiocu zahtjeva.
- (6) O žalbi na rješenje iz stava (4) ovog člana rješava Ministarstvo."

Član 6.

(Izmjena člana 8. – Prijavljivanje korisnika i izdavanje zdravstvene knjižice)

Član 8. Odluke mijenja se i glasi:

"Član 8.

(Prijavljivanje korisnika i izdavanje zdravstvene knjižice)

Prijavu na zdravstveno osiguranje lica kojem je rješenjem općinske službe priznato pravo na zdravstveno osiguranje na osnovu ove Odluke, popunjava općinska služba i istu dostavlja Poreznoj upravi FBiH, Kantonalni porezni ured Zenica (u daljem tekstu: Porezna uprava) u jedinstven sistem registracije prijave/odjava osiguranih lica u određenim okolnostima - Obrazac JS 3120, te izdaje zdravstvenu legitimaciju, koju korisnik zdravstvene zaštite ovjerava u Zavodu zdravstvenog osiguranja Zeničko-dobojskog kantona (u daljem tekstu: Zavod)."

Član 7.

(Izmjene člana 9. – Odjava korisnika zdravstvene zaštite)

U članu 9. stav (1) Odluke mijenja se i glasi: "(1) Kada se iz bilo kojeg razloga steknu uvjeti za prestanak prava na korištenje zdravstvene zaštite po ovoj Odluci, općinska služba donosi rješenje o prestanku prava na zdravstveno osiguranje, te dostavlja odjavu osiguranja Poreznoj upravi i Ministarstvu u roku od osam dana od dana saznanja za promjenjene okolnosti koje su od uticaja za prestanak odnosno daljnje korištenje prava."

Član 8.

(Izmjene i dopune člana 10. – Revizija i dostavljanje rješenja)

- (1) U članu 10. stav (2) Odluke riječi: "za boračka pitanja Kantona (u daljem tekstu: Ministarstvo)" zamjenjuju se riječju: "najdalje".
- (2) Dodaje se novi stav (3) koji glasi: "(3) Ukoliko općinska služba ne dostavi izvještaj o izvršenoj reviziji sa podacima i u roku iz stava (2) ovog člana, Ministarstvo će pokrenuti postupak odjave korisnika prava."

Član 9.

(Izmjene i dopune člana 11. – Sadržina prava)

- (1) U članu 11. tačka a) Odluke riječ: "nabavku" zamjenjuje se riječima: "finansiranje nabavke", a iza riječi "osiguranja" a prije tačke zarez dodaju se riječi: "preporučenih od strane nadležnog ljekara (za profesionalno ili radno angažovane, aktivne sportiste i slučajeve izmijenjenog zdravstvenog stanja) i odobrene od strane stručne komisije u vremenu završavanja ortopedskog pomagala ili u bilo koje vrijeme kad je to medicinski nužno".
- (2) U tački c) alineja 3) iza riječi "roka" a prije tačke na kraju teksta dodaju se riječi: "i nabavka materijala koji omogućavaju korištenje ortopedskog pomagala".

Član 10.

(Izmjene i dopune člana 12. – Potrebna dokumentacija)

- (1) U članu 12. stav (2) se briše.

- (2) U dosadašnjem stavu (3) koji postaje stav (2), dosadašnje tačke a) do c) zamjenjuju se tačkama a) do f):
- "a) dokaz o statusu branioca i člana njegove porodice;
 - b) fotokopija lične karte;
 - c) dokaz o prebivalištu u trajanju od najmanje 24 mjeseca (osim povratnika u RS);
 - d) odgovarajući medicinski nalaz sa prijedlogom;
 - e) potvrda nadležnog ljekara specijaliste o potrebi ortopedskog pomagala-sanitarne sprave, ovjerena od strane Zavoda, sa iskazanim ličnim učešćem ili 100% plaćanjem;
 - f) originalni predračun koštanja nabavke ortopedskog pomagala."
- (3) Dosadašnji stav (4) postaje stav (3).

Član 11.

(Novi članovi 12a. do 12g.)

Iza člana 12. odluke dodaju se novi članovi 12a. do 12g., koji glase:

"Član 12a.

(Prijedlog ljekara)

- (1) Na zahtjev korisnika prava, ljekar specijalista odnosno zdravstvena ustanova u kojoj isti ostvaruje primarnu zdravstvenu zaštitu, izdaje prijedlog za nabavku ortopedskog pomagala (u daljem tekstu: prijedlog ljekara).
- (2) Prijedlog ljekara se izdaje nakon izvršenog neposrednog uvida u zdravstveni karton korisnika prava i upoznavanja sa podacima o ranijem liječenju, a isti mora biti obrazložen i sadržavati podatke o vrstu i tipu protetskog pomagala.
- (3) Pored medicinske dokumentacije iz koje se može utvrditi dijagnoza bolesti i način liječenja korisnika prava (otpusnice iz ustanova gdje je stacionarno obavljeno liječenje, nalazi ljekara specijalista hirurgije, ortopeda, traumatologa, neurohirurga, neuropsihijatra i sl.), obavezna je kontrola i pregled kod nadležnog specijaliste ortopeda, čiji nalazi ne smiju biti stariji od 30 dana.
- (4) Nalaz specijaliste ortopeda mora ukazivati na neophodnost nabavke ortopedskog pomagala, određene vrste, tipa i modela.

Član 12b.

(Podnošenje i obrada zahtjeva)

Zahtjev za nabavku ortopedskog pomagala, zajedno sa prijedlogom ljekara i drugom odgovarajućom dokumentacijom, korisnik prava podnosi općinskoj službi, na propisanom obrascu Ministarstva.

Član 12c.

(Prijedlog općinske službe)

U roku od pet dana po prijemu zahtjeva općinska služba utvrđuje prijedlog za nabavku ortopedskog pomagala (u daljnjem tekstu: prijedlog općinske službe), koji uz kompletnu dokumentaciju korisnika prava (zahtjev, prijedlog ljekara i prateću medicinsku dokumentaciju) dostavlja Ministarstvu na daljnji postupak.

Član 12d.

(Komisija)

- (1) Nakon stručne obrade prijedloga općinskih službi od strane službenika Ministarstva nadležnog za poslove nabavke ortopedskih pomagala (u daljem tekstu: službenik Ministarstva), isti se sa kompletnom dokumentacijom prosljeđuju Komisiji za odobravanje nabavke ortopedskog pomagala

(u daljem tekstu: Komisija), koju svojim rješenjem imenuje ministar Ministarstva (u daljem tekstu: Ministar), u roku od pet dana od stupanja na snagu ove Uredbe.

- (2) Komisiju čine dva ljekara specijalista ortopeda i službenik Ministarstva, koji je ujedno i sekretar Komisije.
- (3) Posebnim rješenjem Ministra utvrđuje se naknada za rad Komisije.
- (4) Sjednice Komisije, u dogovoru sa ostalim članovima, zakazuje službenik Ministarstva.
- (5) Sjednice se održavaju po potrebi, a o radu Komisije vodi se zapisnik.

Član 12e.
(Rad Komisije)

- (1) Komisija vrši vještačenje po svakom zahtjevu pojedinačno.
- (2) U slučaju potrebe, Komisija poziva podnosioca zahtjeva na pregled, a može zatražiti i druga medicinska ispitivanja.
- (3) U nalazu i mišljenju Komisije se navodi broj i datum održavanja sjednice, da li je potreba nabavka ortopedskog pomagala, kojeg modela, te prijedlog Ministru za odbijanje zahtjeva ili odobravanje sredstava za nabavku ortopedskog pomagala.
- (4) U nalazu i mišljenju se navodi razlog za slučaj nemogućnosti odobravanja nabavke ortopedskog pomagala.

Član 12f.
(Ponovni zahtjev)

Podnosioci zahtjeva kojima nije odobrena nabavka ortopedskog pomagala, mogu podnijeti novi zahtjev nakon isteka roka od jedne godine.

Član 12g.
(Odluka o nabavci ortopedskog pomagala i izdavanje rješenja)

- (1) Na prijedlog Komisije i u skladu sa kriterijima utvrđenim ovom Odlukom, Ministar donosi odluku o odobravanju pomoći za nabavku ortopedskog pomagala po podnesenim pojedinačnim zahtjevima koji ne prelaze iznos od 3.000,00 KM .
- (2) Na obrazloženi prijedlog Ministra, zaključak o dodjeli sredstava u iznosu većem od 3.000,00 KM donosi Vlada Kantona
- (3) Ministarstvo dostavlja odluku i obavijest općinskim službama o stavu po zaprimljenim prijedlozima, uz povrat kompletne dokumentacije.
- (4) Na osnovu dostavljene odluke Ministarstva o nabavci ortopedskog pomagala, općinska služba donosi rješenje u skladu sa članom 211. Zakona o upravnom postupku.
- (5) Uplata odobrene novčane pomoći za nabavku ortopedskih i drugih pomagala se vrši na račun općinske službe, koja vrši isplatu odobrenih sredstava na račun prodavca, odnosno korisnika koji dostavi dokaz o uplati sredstava, a u roku od 15 dana po realizaciji pomoći dostavlja Ministarstvu pravdanje utrošenih sredstava.
- (6) Rješenje o odbacivanju ili odbijanju zahtjeva, u skladu sa zaključkom Komisije u tom smislu, općinska služba donosi u skraćenom postupku na osnovu člana 139. stav 1. i 2. Zakona o upravnom postupku.
- (7) O žalbi na rješenje općinske službe rješava Ministarstvo."

Član 12.

(Izmjene člana 17. – Potrebna dokumentacija)

U članu 17. u stavu (1) dosadašnje tačke a) do e) zamjenjuju se novim tačkama a) do j) koje glase:

- "a) dokaz o statusu branioca i člana njegove porodice;
- b) fotokopija lične karte;
- c) dokaz o prebivalištu u trajanju od najmanje 24 mjeseca (osim povratnika u RS);
- d) dokaz o prihodima članova domaćinstva (primanja po osnovu radnog odnosa, uvjerenje Službe za zapošljavanje o nezaposlenosti podnosioca zahtjeva i članova njegovog domaćinstva i dr.);
- e) ovjerena izjava o zajedničkom domaćinstvu (kućna lista);
- f) medicinska dokumentacija i drugi dokazi iz kojih se mogu utvrditi troškovi liječenja i kupovine ordiniranih lijekova (nalaz ljekara specijaliste sa utvrđenom dg i th i drugi nalazi ljekara iz kojih se mogu utvrditi troškovi liječenja i kupovine ordiniranih lijekova) sa priloženim računima o troškovima liječenja i kupovini ordiniranih lijekova;
- g) dokument (potvrda, rješenje) izdat od strane Zavoda o participaciji u troškovima nabavke lijekova koji nisu na esencijalnoj listi, ukoliko je riječ o kupovini lijekova koji se ne propisuju i izdaju na teret sredstava obaveznog zdravstvenog osiguranja;
- h) odluku Komisije Zavoda o odobravanju liječenja van Kantona, ukoliko se zahtjev odnosi na liječenje van Kantona;
- i) ukoliko se pomoć traži za liječenje u inozemstvu potrebno je priložiti: potvrdu (nalaz) konzilija ljekara specijaliste nekog od kliničkih centara da liječenje nije moguće obaviti u BiH, potpisanu od strane tri klinička doktora i šefa klinike, potvrdu da liječenja navedene bolesti ne spada u oboljenja koja se liječe na teret Fonda solidarnosti FBiH, te potvrdu Zavoda o učešću u troškovima liječenja i kupovine lijekova na teret sredstava Zavoda, kao i priloženim predračunom / računom o troškovima liječenja i kupovine lijekova i
- j) druge dokaze iz kojih se može utvrditi opravdanost zahtjeva."

Član 13.

(Dopuna člana 19. - Postupak po zahtjevu)

U članu 19. u tački c) iza riječi "zahtjeva" na kraju teksta, a prije tačke zareza dodaju se riječi: "i članova porodice".

Član 14.

(Brisanje poglavlja III.)

Poglavlje III. "Ostvarivanje prava" se briše.

Član 15.

(Izmjena člana 20. - Zahtjev i dokumentacija)

Član 20. mijenja se i glasi:

Član 20.

(Novčana pomoć do 200,00 KM)

- (1) Na osnovu priložene dokumentacije iz člana 17. Odluke i drugih dokaza iz kojih se mogu utvrditi troškovi liječenja i kupovine lijekova u iznosu do 200,00 KM, rješenje o priznavanju prava ili odbijanju zahtjeva donosi općinska služba.
- (2) O žalbi na rješenje iz stava (1) ovog člana rješava Ministarstvo.

- (3) Pravosnažna rješenja o priznavanju prava iz stava (1) ovog člana, sa obrazloženjem za svaki pojedinačni zahtjev, općinska služba dužna je u roku od petnaest dana od dana podnošenja zahtjeva dostaviti Ministarstvu na daljnju realizaciju.

Član 16.

(Brisanje članova 21.i 22)

Članovi 21. i 22. brišu se.

Član 17.

(Izmjene i dopune člana 23. – Razmatranje zahtjeva za novčanu pomoć)

- (1) U članu 23. naziv člana mijenja se i glasi: "(Prijedlog za pomoć u liječenju)".
- (2) Dodaje se novi stav (1) koji glasi:
- "(1) Prijedlog za odobravanje sredstava novčane pomoći za liječenje u iznosu većem od 200,00 KM sa podnesenim zahtjevom i potrebnom dokumentacijom iz člana 17. Odluke, općinska služba dostavlja Ministarstvu najdalje u roku od osam dana od dana podnošenja zahtjeva."
- (3) Dosadašnji stavovi (1), (2) i (3) postaju stavovi (2), (3) i (4).
- (4) U dosadašnjem stavu (3) koji postaje stav (4) iza riječi: "zdravstva" preostali tekst do kraja rečenice zamjenjuje se riječima: "Zavoda, kao i drugih nadležnih ustanova u vezi sa odgovarajućim liječenjem, te nabavkom i kupovinom lijekova za pomoć u liječenju".

Član 18.

(Izmjene člana 24. - Odobravanje sredstava za liječenje)

U članu 24. u stavovima (3) i (4) broj "1000,00" zamjenjuje se brojem "2.000,00".

Član 19.

(Izmjena člana 26. - Dostava i pravdanje sredstava)

U članu 26. stav (1) riječi: "blagajne ili" brišu se.

Član 20.

(Stupanje na snagu i objavljivanje Odluke)

- (1) Odluka stupa na snagu narednog dana od dana objavljivanja u "Službenim novinama Zeničko-dobojskog kantona".
- (2) Odredbe člana 2. ove Odluke primjenjivat će se do prestanka važenja Zakona o izmjenama i dopunama Zakona o dopunskim pravima branilaca i članova njihovih porodica ("Službene novine Zeničko-dobojskog kantona broj 18/12").

Broj:

_____04.2013.god., Zenica

PREDSJEDAVAJUĆI
Sretko Radišić

O B R A Z L O Ž E N J E

I. Ustavni i zakonski osnov za donošenje Odluke

Ustavni osnov za donošenje Odluke o izmjenama i dopunama Odluke o proširenom obimu prava iz oblasti zdravstvene zaštite za branioce i članove njihovih porodica, sadržan je u članu 37. tačka f) Ustava Zeničko-dobojskog kantona, kojim je propisano da Skupština donosi zakone i ostale propise za izvršavanje kantonalnih nadležnosti. Zakonski osnov za donošenje Odluke sadržan je u članu 6. stav 2. Zakona o dopunskim pravima branilaca i članova njihovih porodica, kojim je propisano da će Skupština Kantona, posebnim propisom utvrditi ostvarivanje zdravstvene zaštite za lica koja nisu osigurana, kao i prošireni obim prava iz oblasti zdravstvene zaštite branilaca i članova njihovih porodica, te pravo na liječenje u inozemstvu.

II. Razlozi za donošenje Odluke i obrazloženje pojedinih rješenja

Odluka o proširenom obimu prava iz oblasti zdravstvene zaštite za branioce i članove njihovih porodica donesena je na osnovu člana 6. stav 2. Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 6/06 i 9/07). Odluku je donijela Skupština Zeničko-dobojskog kantona dana 26.02.2008.god., a objavljena je u "Službenim novinama Zeničko-dobojskog kantona" broj 3/08.

Po donošenju Zakona o izmjenama i dopunama Zakona o dopunskim pravima branilaca i članova njihovih porodica ("Službene novine Zeničko-dobojskog kantona" broj 18/12), evidentna je obaveza usklađivanja ovog podzakonskog akta sa relevantnim odredbama istog Zakona. Također, u periodu primjene Odluke konstatovana je potreba izmjena iste u cilju olakšanja procedura ostvarivanja zdravstvenog osiguranja i dobijanja sredstava za nabavku ortopedskih pomagala odnosno za potrebe liječenja branioaca i članova njihovih porodica.

S tim u vezi programima rada Vlade i Skupštine Kantona za 2013.godinu, predviđeno je donošenje Odluke o izmjenama i dopunama Odluke o proširenom obimu prava iz oblasti zdravstvene zaštite za branioce i članove njihovih porodica, u mjesecu aprilu.

Predložene izmjene su sačinjene u saradnji sa kantonalnim branilačkim udruženjima, o čemu su iste dostavile i pismeno izjašnjenje kojim podržavaju donošenje ove odluke.

Članom 1. vrši se usaglašavanje sa brojevima službenih novina u kojima su u međuvremenu objavljene izmjene i dopune važećih federalnih zakona koji regulišu pojmove i definicije upotrebljene u Odluci, a u skladu sa posljednjim izmjenama i dopunama Zakona o dopunskim pravima branilaca i članova njihovih porodica.

Članom 2. izmijenjen je član 4. važeće Odluke, a u skladu sa posljednjim izmjenama Kantonalnog zakona, koje regulišu posebne korisnike prava po Zakonu.

Članom 3. uvode se članovi 4a. i 4b. kojima se regulišu pitanja u vezi dokazivanja pripadnosti branilačkoj populaciji i načina podnošenja zahtjeva za ostvarivanje prava, što je važećom Odlukom predviđeno u poglavlju III. Ostvarivanje prava i članovima 21. i 22. Ovim izmjenama se odmah na početku ističu ova pitanja, a u cilju pojednostavljenja i lakšeg razumijevanja odredbi Odluke od strane korisnika prava.

Članom 4. mijenja se član 6. važeće Odluke:

- u skladu sa izmjenama Kantonalnog zakona unosi se naznaka o službenim novinama u kojima su objavljeni novi Zakon o zdravstvenoj zaštiti i posljednje izmjene Zakona o zdravstvenom osiguranju.
- Umjesto dosadašnjeg Ministarstva za rad, socijalnu politiku i izbjeglice, koji je propisima Kantona bio predviđen kao obveznik uplate sredstava za zdravstveno osiguranje branilaca i članova njihovih porodica i nadležni organ za donošenje propisa o realizaciji ovog prava, sada tu obavezu preuzima Ministarstvo za boračka pitanja, koje je na posebnom transferu već planiralo sredstva u ovu svrhu.
- Zbog problema u realizaciji zdravstvene zaštite pripadnika branilačke populacije koji su izgubili isto pravo po osnovu evidencije na Službi za zapošljavanje, ovim izmjenama se nastoji osigurati

istim zdravstveno osiguranje putem Ministarstva, a do mogućnosti ponovnog ostvarivanja ovog prava po osnovu prijave Službi.

Izmjenama i dopunama iz člana 5. Odluke u član 7. osnovne Odluke unose se odredbe kojim se reguliše dokumentacija potrebna za ostvarivanje prava na zdravstveno osiguranje i postupak ostvarenja prava, s obzirom da je važećim odredbama to regulisano uputstvom Ministarstva za rad.

Članovima 6. i 7. Odluke vrše se izmjene članova 8. i 9. osnovne Odluke a u skladu sa važećim federalnim propisima (Porezne uprave i Zavoda zdravstvenog osiguranja), kojima je regulisan postupak realizacije i prestanka prava na zdravstveno osiguranje.

Članom 8. se u članu 10. Odluke vrše dopune kojima se predviđaju mjere Ministarstva na jačanju kontrole korisnika prava na zdravstveno osiguranje.

Članom 9. se u članu 11. osnovne Odluke vrše izmjene u skladu sa zahtjevima branilačkih udruženja, prvenstveno RVI, a u cilju omogućavanja ostvarenja prava na ortopedsko pomagalo koje će u maksimalnoj mjeri udovoljavati potrebama istih, dok se članom 10. propisuje potrebna dokumentacija za realizaciju ovog prava, dopunjena u odnosu na važeći član 12. Odluke, a u cilju pojednostavljenja i olakšanja postupka podnosiocima zahtjeva. Članom 11. Odluke uvode se članovi 12a. do 12g., kojima se reguliše realizacija prava na ortopedsko pomagalo, imajući u vidu nedostatke dosadašnje prakse primjene člana 22. važeće Odluke kojim je bio regulisan ovaj postupak, a u skladu sa stavovima branilačkih udruženja po tom pitanju.

Članom 12. se propisuje potrebna dokumentacija za realizaciju prava na pomoć u liječenju, dopunjena u odnosu na važeći član 17. Odluke, a u cilju pojednostavljenja i olakšanja postupka podnosiocima zahtjeva za pomoć.

Članom 13. se vrši dopuna člana 19., a na osnovu rezultata i zahtjeva dosadašnje prakse u primjeni ove odredbe, a članom 14. briše se poglavlje III. Ostvarivanje prava.

Članom 15. se mijenja dosadašnji član 20., imajući u vidu da su odredbe istog o obrascima i podnošenju dokaza sada predviđene u okviru članova 4a. i 4b, čime se uvodi praktičnost i brzina u rješavanju predmeta za koje nije neophodna veća suma novčane pomoći.

Članom 16. brišu se članovi 21. i 22. važeće Odluke iz razloga što su odredbe istih već obuhvaćene odredbama drugih članova (član 4a. i članovi 12a. do 12g.).

Članovima 17. i 18. se reguliše postupak odobravanja pomoći za liječenje u većim iznosima, o čemu odlučuje Ministarstvo, a što je regulisano članovima 23. i 24. važeće Odluke, dok se članom 19. mijenja član 26. i reguliše način isplate pomoći u skladu sa važećim propisima.

III. Načela na kojima se zasniva Odluka

Prijedlog Odluke je urađen u skladu sa reformskim opredjeljenjima Zeničko-dobojskog kantona u oblasti socijalne politike i zaštite pripadnika branilačke populacije, i uz nastojanje poboljšanja socijalno-ekonomskog i drugog statusa ove kategorije stanovništva Kantona.

IV. Finansijska sredstva potrebna za provedbu Odluke

Finansijska sredstva za provedbu ove Odluke osigurana su u Budžetu Kantona.

MINISTAR
Ekrem Tuka